

Corol. 1. Igitur undæ, quæ pedes *Parifenses* $3\frac{1}{2}$ latæ sunt, tempore minuti unius secundi progrediendo latitudinem suam conficiunt; ideoque tempore minuti unius primi percurrent pedes $18\frac{3}{4}$, & horæ spatio pedes 11000 quamproxime.


Corol. 2. Et undarum majorum vel minorum velocitas augebitur vel diminuetur in subduplicata ratione latitudinis.

Hæc ita se habent ex hypothesi quod partes aquæ recta ascendunt vel recta descendunt; sed ascensus & descensus ille verius fit per circulum, ideoque tempus hac propositione non nisi quamproxime definitum esse affirmo.

PROP. XLVII. THEOR. XXXVII.

Pulsibus per fluidum propagatis, singulæ fluidi particule, motu reciproco brevissimo eunt & redeunt, accelerantur semper & retardantur pro lege oscillantis penduli.

Designent *AB, BC, CD*, &c. pulsuum successivorum æquales distantias; *ABC* plagam motus pulsuum ab *A* versus *B* propagati; *E, F, G* puncta tria physica medii quiescentis in recta *AC* ad æquales ab invicem distantias sita; *Ee, Ff, Gg* spatia æqualia perbrevia per quæ puncta illa motu reciproco singulis vibrationibus eunt & redeunt; ϵ, ϕ, γ loca quævis intermedia eorundem punctorum; & *EF, FG* lineolas physicas seu medii partes lineares punctis illis interjectas, & successive translatas in loca ϵ, ϕ, γ & *ef, fg*. Rectæ *Ee* æqualis ducatur recta *PS*. Bisecetur eadem in *O*, centroque *O* & intervallo *OP* describatur circulus *SIPi*. Per hujus circumferentiam totam cum partibus suis exponatur tempus totum vibrationis unius



unius cum ipsius partibus proportionalibus; sic ut completo tempore quovis *PH* vel *PHSh*, si demittatur ad *PS* perpendicularum *HL* vel *hl*, & capiatur *Ee* æqualis *PL* vel *Pl*, punctum physicum *E* reperitur in ϵ . Hac lege punctum quodvis *E*, eundo ab *E* per *Ee* ad ϵ , & inde redeundo per ϵ ad *E*, iisdem accelerationis ac retardationis gradibus vibrationes singulas peraget cum oscillante pendulo. Probandum est quod singula medii puncta physica tali motu agitari debeant. Fingamus igitur medium tali motu a causa quacunque cieri, & videamus quid inde sequatur.

In circumferentia *PHSh* capiantur æquales arcus *HI, IK* vel *hi, ik*, eam habentes rationem ad circumferentiam totam quam habent æquales rectæ *EF, FG* ad pulsuum intervallum totum *BC*. Et demittis perpendicularis *IM, KN* vel *im, kn*; quoniam puncta *E, F, G* motibus similibus successive agitantur, & vibrationes suas integras ex itu & reditu compositas interea peragunt dum pulsus transferatur a *B* ad *C*; si *PH* vel *PHSh* sit tempus ab initio motus puncti *E*, erit *PI* vel *PHSi* tempus ab initio motus puncti *F*, & *PK* vel *PHSk* tempus ab initio motus puncti *G*; & propterea *Ee, Ff, Gg* erunt ipsis *PL, PM, PN* in itu punctorum, vel ipsis *Pl, Pm, Pn* in punctorum reditu, æquales respective. Unde ϵ, γ seu *EG + G\gamma - Ee* in itu punctorum æqualis erit *EG - LN*, in reditu autem æqualis *EG + Ln*. Sed ϵ, γ latitudo est seu expansio partis medii *EG* in loco ϵ, γ ; & propterea expansio partis illius in itu est ad ejus expansionem mediocrem, ut *EG - LN* ad *EG*; in reditu autem ut *EG + Ln* seu *EG + LN* ad *EG*. Quare cum sit *LN* ad *KH* ut *IM* ad radium *OP*, & *KH* ad *EG* ut circumferentia *PHSh* ad *BC*, id est, si ponatur *V* pro radio circuli circumferentiam habentis æqualem intervallo pulsuum *BC*, ut *OP* ad *V*; & ex æquo *LN* ad *EG* ut *IM* ad *V*: erit expansio partis *EG* punctive physici *F* in loco ϵ, γ ad expansionem mediocrem, quam pars illa habet in loco suo primo *EG*, ut *V - IM* ad *V* in itu, utque *V + im* ad *V* in reditu. Unde vis elastica puncti *F* in loco ϵ, γ est ad vim ejus elasticam mediocrem in loco *EG*, ut $\frac{1}{V - IM}$ ad $\frac{1}{V}$ in itu, in reditu vero ut $\frac{1}{V + im}$ ad $\frac{1}{V}$.

Et eodem argumento vires elasticæ punctorum physico-